

Khòngchè Chhùichih

3 Chhinài ê hiaⁿtī chímōe, lín tiongkan m̄ thang ū chin chē lâng chò kàusu, inūi lín chai, chò kàusu ê lâng ē siū koh khah giâmkeh ê símphòaⁿ. 2 Inūi lán lóng tiāⁿtiāⁿ ē hoān chin chē chhògō. Nāsī tī giângí siōng bô chhògō ê, i tòh sī oânchoân ê lâng, mā ēhiáu khòngchè kakī. 3 Lán nā kā békākiuⁿ khng tī bé ê chhùi nih, hō in sūnhòk, lán tòh ē tàng khòngchè kuichiah bé. 4 Lín koh khòaⁿ, chūn suijiân hiah tōa tâi, hō tōahong sàu ê sī, hōaⁿtōa ê lâng khiok kantaⁿ ēng sèsè ê chūntōa, tòh ē tàng chiàu kakī ê ìsù, kā chūn sái kàu i beh khi ê sòchāi. 5 Chhinchiūⁿ ánne, chhùichih suijiân sī sèsè ê kithé, khiok ē kóng tōaōe. Lí khòaⁿ, chit tiám'á hóechheⁿ tòh ē tàng hō kúi phìⁿ ê chhiūnâ lóng sio khi. 6 Chhùichih tòh sī hóe, sī tī lán pahthé tiong ê siàok sèkài, ē kā kúi sengkhu ùjiám; chitê tùi tēgák hoatchhut ê hóe, ē kā lán itseng ê lōtō húbíat. 7 Ták chióng ê cháusiù, huikhim, thàngthōa kah chúichók lóng íkeng hō jīnlūi chèhók, mā íkeng tī jīnlūi ê koánhat chi hā. 8 M̄ koh bô lâng ē tàng chèhók chhùichih; i sī bô hoattō chèhók ê siàok, chhiong móa timiā ê tóksò. 9 Lán ēng chhùichih oló lán ê ThiⁿPē SiōngChú, mā ēng chhùichih chiùchó chiàu SiōngChú ê hêngsiōng só chō ê lâng. 10 Oló kah chiùchó lóng sī tùi kâng chitê chhùichih chhutlâi! Góa ê hiaⁿtī chímōe ah, che sī bô engkai ê! 11 Tùi kâng chitê chúichōaⁿ kám ē lâuchhut tiⁿ ê kah khó ê chúí? 12 Góa ê hiaⁿtī chímōe ah, bûhoakó chhiū kám ē seⁿchhut kaⁿ ná? Phútô chhiū kám ē kiatchhut bûhoakó? Anne, kiám ê chúigoân mā bē lâuchhut tiⁿ chúí!

Tùi SiōngChú Lâi ê Tìhūi

13 Lín tiongkan siáⁿ lâng ū tìhūi kah kiànsek? Nā ū, i tiòh iōng chhiong móa tìhūi ê unjiú, tī sengoah tiong piáuhiān i ê hó phínhēng. 14 Lín simlâi nā ū októk ê oàntò kah siocheⁿ, tòh m̄ thang khoakháu, mā m̄ thang kóng pèhchhat lâi úipōe chinlí. 15 Chit khoán ê tìhūi m̄ sī tùi thiⁿténg

控制嘴舌

3 親愛 ê 兄弟姊妹, lín 中間 m̄ thang 有真 chē 人做教師, 因為 lín 知, 做教師 ê 人 ē 受 koh khah 嚴格 ê 審判。2 因為咱 lóng tiāⁿtiāⁿ ē 犯真 chē 錯誤。若是 tī 言語上無錯誤 ê, 伊 tòh 是完全 ê 人, mā ē 曉控制 kakī。3 咱若 kā 馬咬韁 khng tī 馬 ê 嘴裡, hō in 順服, 咱 tòh ē tàng 控制 kui 隻馬。4 Lín koh 看, 船雖然 hiah 大台, hō 大風掃 ê 時, hōaⁿ 舵 ê 人卻 kantaⁿ 用細細 ê 船舵, tòh ē tàng 照 kakī ê 意思, kā 船駛到伊 beh 去 ê 所在。5 親像 ánne, 嘴舌雖然是細細 ê 肢體, 卻 ē 講大話。你看, 一點 á 火星 tòh ē tàng hō kúi 片 ê 樹林 lóng 燒去。6 嘴舌 tòh 是火, 是 tī 咱百體中 ê 邪惡世界, ē kā kui 身軀污染; chitê tùi 地獄發出 ê 火, ē kā 咱一生 ê 路途毀滅。7 Ták 種 ê 走獸、飛禽、蟲 thōa kah 水族 lóng 已經 hō 人類制伏, mā 已經 tī 人類 ê 管轄之下。8 M̄ koh 無人 ē tàng 制伏嘴舌; 它是無法度制伏 ê 邪惡, 充滿致命 ê 毒素。9 咱用嘴舌 oló 咱 ê 天父上主, mā 用嘴舌咒詛照上主 ê 形像所造 ê 人。10 Oló kah 咒詛 lóng 是 tùi 全一个 嘴舌出來! 我 ê 兄弟姊妹 ah, 這是無應該 ê! 11 Tùi 全一个 水泉 kám ē 流出甜 ê kah 苦 ê 水? 12 我 ê 兄弟姊妹 ah, 無花果樹 kám ē 生出橄欖? 葡萄樹 kám ē 結出無花果? Anne, 鹹 ê 水源 mā bē 流出甜水!

Tùi 上主來 ê 智慧

13 Lín 中間啥人有智慧 kah 見識? 若有, 伊 tiòh 用充滿智慧 ê 溫柔, tī 生活中表現伊 ê 好品行。14 Lín 心內若有惡毒 ê 怨妒 kah 相爭, tòh m̄ thang 誇口, mā m̄ thang 講白賊來違背真理。15 Chit 款 ê 智慧 m̄ 是 tùi 天頂來 ê, 是屬 tī 世間, 屬 tī 血氣, kah 屬 tī 魔鬼 ê。16 因為有怨

lâi ê, sī siók tī sèkan, siók tī hiátkhì, kah siók tī Mòkúí ê. 16 Inūi ū oàntò kah siocheⁿ ê sóchāi, tòh ū hunjiáu kah itchè siâok ê hêngûi. 17 M̄ koh, tùi téngbīn lâi ê tìhūi, tē it sī sūnkiat, koh lâi sī hôpêng, unjiû, iúsiān, chûpi, kiat hó tekhēng ê kóechí, bô phiankiàn, mā bô gūisiān. 18 Konggī sī hôpêng só kiat ê kóechí, sī tùi chhiokchìn hôpêng ê lāng só iā ê chéngchí sánseng ê.

妒 kah 相爭 ê 所在, tòh 有紛擾 kah 一切邪惡 ê 行為。 17 M̄ koh, tùi 頂面來 ê 智慧, 第一是純潔, koh 來是和平、溫柔、友善、慈悲, 結好德行 ê 果 chí, 無偏見, mā 無偽善。 18 公義是和平所結 ê 果 chí, 是 tùi 促進和平 ê 人所掖 ê 種 chí 產生 ê。